

黃氏補千家註紀年杜工部詩史



據山東省博物館藏元至元
二十四年詹光祖月崖書堂
刻本影印原書版框高十
九·七釐米寬十三釐米

居誼兒時聞先君樂道

永新大夫黃公之賢至則令

出拜且曰此鄉先生可師法

者也居誼雖不敏心竊識之

及壯讀公之文知其博覽群

書於經史子集章句訓詁靡

不通究於是有意先君所

以幸教小子之意欲就正焉

而公則仙去矣晚歲杜門公

之子鶴過而道舊出其紀年

補註詩史一編慶然請曰鶴

先人生平嗜此恨舊注舛踈



補訂未竟齋志以歿不肖勉
卒先業餘三十年所謂千四
百篇者不敢謂盡知工部意
索幾十七八矣盍為我序之
退披其編詩以年次意隨篇
釋冠以譜辨視舊加詳至謂
耒陽迺瘞宗文高都護之非
適呂太一之非官又皆意逆
而得之往往前輩或未及不
但成先志而已昔杜預注春
秋左傳世以預為立明忠臣
黃氏父子用功此詩謂非忠

於工部不可然春秋繫年日
書甲子預以曆法推攷有未
合則歸之史誤工部雖號詩
史凡所紀述非必如春秋書
法之密後數百年而生必欲
一一推見當時歲月先後亦
難矣矧詩自風雅而下惟工
部為宗其淵深浩博後人莫
窺涯涘有謂工部胷中凡幾
國子監又謂不行一萬里不
讀萬卷書不可以觀杜詩近
世鈔板注以彙名者世慮二

百家固宜鈎析證辨無復餘
蘊而補遺訂認方來未已信
知工部之詩可觀不可盡然
吾於是編又得以窺黃氏家
學之懿懋滿夙心之寶慶二
年三月清明日郡人董居誼

仁甫序

(Faint bleed-through text from the reverse side of the page)

山谷嘗謂老杜作詩無一字無來處
第恨後人讀書少不足以知之今生手
數百載之後欲探古人之心於數百
載之前允諸家箋註之所未通者皆
斷以己見自非胸中有多卷書其敢任
此責耶——黃氏之於此詩蓋如班馬父
子——作史凡兩世用工矣積兩世之學
以研精覃思是宜援據淹該非諸家
之所能望之博洽君子以諸家舊註與
此合而觀之則是非得失當有能辨
之者寶慶丙戌仲夏富沙吳文

跋

集註杜工部詩姓氏

唐昌黎先生韓氏名愈字退之有詩題子美墳

唐元氏名稹

太原王氏名洙字原叔翰林學士兵部郎中制誥史館脩撰注子美集先古詩後近體言二十六卷

建安王氏名昱字公旦建陽人度支員外郎祕閣校理

臨川王氏名安石字介甫撫州臨川人拜左僕射謚文公

鳳臺王氏彥輔和注子美詩四十九卷自號鳳臺子

王氏名澂鳳臺子之子

王氏名端仁鳳臺子之孫

鉅野王氏名禹偁字元之齊州鉅野人喻不

建安王氏名楷

王氏名杞

王氏名琪字君玉

王氏逢原

王氏深父

王氏立之直方

王氏性之

永嘉王氏名十朋字龜齡集注編年詩史三十二卷

建安王氏名紆

眉山蘇氏名軾字子瞻眉州眉山人謚太師文忠公著釋事

蘇氏養直

西蜀趙氏次公字彥材著正誤

西蜀趙氏夔字堯卿

趙氏彦材

趙氏元序

西蜀師氏名古著詳說二十八卷

師氏尹民瞻

嘉興魯氏詩言編注子美一十八卷

廬陵歐陽氏名脩字永叔吉州永豐人謚文忠公

豫章黃氏庭堅魯直

黃氏少度

謝氏邁幼槃

淮海秦氏少游觀

秦氏少儀

宛丘張氏耒文潛

永嘉張氏器先

郵城張氏名詠字復之濮州郵城人謚忠定公

張氏天覺

張氏名逸序蜀本子美詩一十卷

歷陽張氏安國

張氏伯玉續子美集有詩

河東薛氏蒼舒續注子美詩

薛氏夢符廣注子美詩

薛氏綜

薛氏 士昭

薛氏 元肅

城南杜氏 修可續注 子美詩

杜氏 名田字時可 著補遺

杜氏 定功

河南尹氏 名洙字師魯起居 舍人直龍圖閣

臨川晏氏 名殊字同叔 謚元獻公

臨江劉氏 名敞

東萊徐氏 子居仁編 次門類詩

徐氏 師川

徐氏 君平

徐氏 持晦

呂氏 大防撰 年譜

東萊蔡氏 伯世撰 年譜

蔡氏 天啓

蔡氏 條

西蜀孫氏 倬 瞻民

孫氏 彥忠

西蜀程氏 演 季良

程氏 天祐

宋氏 名祁撰唐 書子美傳

西蜀宋氏 援 正輔

宋氏 彦材

遜齋陳氏 正敏

后山陳氏 少師道字无已一字 希常號彭城告士

陳氏 希仲

陳氏 元龍

陳氏 體仁

陳氏 德溥

南豐曾氏 名鞏字子固建昌南 豐人擢試中書舍人

曾氏 公衮

盱江李氏 觀 泰伯

李氏 彭 商老

李氏 希聲

李氏 名觀補遺 子美傳

臨安李氏 堯祖 唐卿

李氏 厚 德載

沈氏 括 存中

胡氏 撰子美 草堂序

茗溪胡氏 仔

胡氏 銓 邦衡

唐氏 庚 子西

梅氏 聖俞

韓氏 駒 子蒼

馬氏子存才

潘氏大臨邠老

潘氏大觀仲達

孫氏名僅撰子美詩序

孫氏子尚

孫氏何

洪氏駒父

洪氏琰玉父

洪氏朋龜父

洪惠僧覺範

河南邵氏博伯温

橘林石氏敏若

九江夏氏名疎字子喬江州人樞密使封英國公

夏氏倪均父

何氏覬人表

蘇州何氏泓

高氏荷勉

饒氏節德操

晁氏冲之叔用

晁氏補之

姑蘇丁氏脩

永嘉丁氏鎮叔

丁氏 惠安

縉雲鮑氏 文虎著 譜論

蘄陽林氏 敏功字子仁蘄州人贈高隱處士

林氏 敏修 子敬

林氏 子來

林氏 明仲

林氏 致明

長樂鄭氏 印著 澤文

楊氏 符 信祖

汪氏 革 信民

汪氏 藻 彦章

汪氏 端本

汪氏 洋 養源

建安余氏 葵

東漢詩僧 祖可 正平

李氏 錚 希聲

真隱詩僧 善權 巽中

元氏 不伐

曹氏 夢良

傅氏 藻 薦可

鹿氏 伯可

任氏 居實 文孺

吳氏憲

吳氏季南

吳氏明可

吳氏少雲

賈氏

崔氏肅之

萬氏先之

萬氏申之

萬氏大年

永嘉甄氏雲卿

龔氏實之

芮氏國器

馮氏方圓仲

喻氏叔奇

毛氏叔度

朱氏邦翰

永嘉項氏用中

周氏成祖

上蔡謝氏良佐顯道

謝氏無逸

集註杜工部詩姓氏

少陵先生杜工部草堂詩史傳序碑銘

建安吳 元 景秀 集錄

唐新書杜工部傳 宋 祁 奉 勅撰

甫字子美少貧不自振客吳楚齊趙間李邕奇其

材先往見之舉進士不中第困長安玄宗開元二十五年甫預京兆薦貢

而考工下之天寶十二載玄宗朝獻太清宮饗廟及郊甫

奏三賦三篇帝奇之使待制集賢院命宰相試文

章擢河西尉不拜改右衛率府胄曹參軍數上賦

頌戲色角切類也因高自稱道且言先臣恕預以來承儒守

官十一世迨審言以文章顯中宗時臣賴緒業自

七歲屬辭且四十年然衣不蓋體常寄食於人竊

恐轉死溝壑伏惟天子哀憐之若令執先臣故事

拔泥塗之久辱則臣之迷作雖不足鼓吹六經至

沉鬱頓挫隨時敏給揚雄枚臯可企及也有臣如

此陛下其忍棄之會祿山亂天子入蜀天寶十四載安祿山反於

范陽明年改元至德六月祿山犯長安車駕幸劍南七月即位靈武甫避走三川三川屬鄜州肅

宗立自鄜州羸服欲奔行在為賊所得至德二年

亡走鳳翔上謁拜左拾遺與房琯為布衣交琯時

敗陝濤斜又以客董廷蘭罷宰相甫上疏言罪細

不宜免大臣帝怒詔三司雜問宰相張镐曰甫若

抵罪絕言者路帝解甫詔且稱琯宰相子少自樹

立為醇儒有大臣體時論許琯才堪公輔陛下果

委而相之觀其深念主憂義形於色然性失於間
酷嗜鼓琴廷蘭托瑄門下貧疾昏老依倚為非瑄
惜人情一至汴汙臣歎其功名未就志氣挫衄
城觀陛下棄細錄大所以冒死稱述涉近訐激違
忤聖心陛下赦臣百死再賜骸骨天下之幸非臣
獨蒙然帝自是不甚省錄時所在寇奪甫家寓鄜
彌年艱窶孺弱至餓死因許甫自往省視從還京
師出為華州司功叅軍乾元元年甫自左 閔輔饑輒
棄官去客秦州套薪採橡栗自給流落劍南乾元二
棄官去華之秦十月發秦州十一月離同公至劍南 結廬成都西郭上元元年成都尹
室於浣花 召補京兆功曹叅軍不至會嚴武節度劍

南東西川往依焉廣德元年甫補京兆功曹不赴明年鄭武

再帥劍南表為叅謀檢校工部員外郎武以世舊

待甫甚善親詣其家甫見之或時不巾而性褊躁

傲誕嘗登武林瞪視曰嚴挺之乃有此兒武亦暴

猛外若不為忤中銜之一日欲殺甫及梓州刺史

章彝集吏於門武將出冠鉤于簾三左右白其母

奔故得止獨殺彝曾言曰以甫詩考之嚴武來鎮 武卒崔

旰亂甫往來梓夔間大曆中出瞿塘下江陵泝

沅湘以登衡山因安吳陽未陽縣在衡州之東南 游嶽祠大水

遽至涉旬不得食縣令具舟迎之乃得還令嘗饋

牛炙白酒大醉一夕卒年五十九或作昔元嘗致之於詩子美以大曆五

年夏四月湖南兵馬使臧玠殺其團練使崔涯乃避地入衡州至
耒陽遊藏祠以大水涉旬不得食耒陽縣令聶侯具舟迎之水漲
遂泊方田驛子美以詩謝之繼而以湘流將適漢陽暮秋歸秦有
詩留別湖南幕府親友則少已矣春漢北首豈以是夏而溺死
耒陽乃復有此作耶蓋子美之卒當在衡湘之間秋冬之際元氏
墓誌略見本末唐史氏感於劉斧撫更小說之言曰子美由蜀往
耒陽以詩酒自適一日過江上洲中飲醉不能復歸宿酒家是夕
江暴張子美為驚濤漂沒其尸不知落於何處文宗還南內思
死葬於此矣以此聞玄宗故唐史氏因有牛炙白酒大醉一夕卒
之語信哉史氏之語信哉甫放曠不自檢好論天下大事高而不
切少與李白齊名時號李杜嘗從白及高適過汴
州酒酣登吹臺吹亦為切今東京城東南隅繁臺是也慷慨懷古人莫測
也數嘗寇亂挺節無所汙為歌詩傷時撓弱情不
忘君人憐其忠云

贊曰唐興詩人承陳隋風流浮靡相矜至宋之問

沈佺期等研揣聲音浮切不差而號律詩競相沿襲逮開元間稍裁以雅正然恃華者質反好麗者壯違人得一槩皆自名所長至甫渾涵汪洋千彙萬狀兼古今而有之他人不足甫乃厭餘殘膏賸馥沾丐後人多矣故元稹謂詩人以來未有如子美者甫又善陳時事律切精深至千言不少衰世號詩史昌黎韓愈於文章慎許可至歌詩獨推曰李杜文章在光焰萬丈長誠可信云

唐杜工部墓誌銘

元稹撰

叙曰余讀詩至杜子美而知古人之才有所總萃焉始堯舜之君臣以賡歌相和是後詩人繼作歷

夏殷周千餘年仲尼緝拾選練取其干預教化之
尤者三百篇其餘無聞焉騷人作而怨憤之態繁
然猶去風雅日近尚相比擬秦漢已還採詩之官
既廢天下俗謠民謳歌頌諷賦曲度嬉戲之詞亦
隨時間作至漢武賦柏梁詩而七言之體興蘇子
卿李少卿之徒尤工為五言雖句讀文律各異雅
鄭之音亦雜而詞意闊遠指事言情自非有為而
為為上下為則文不妄作建安之後建安乃魏天
下文士遭罹兵戰曹氏父子曹不鞍馬間為文往
徃橫槊賦詩槊音朔故其道文壯節抑揚怨哀悲
離之作怨一尤極於古且晉世風槩稍存齊宋之間

教失根本士子以簡慢矯飾舒徐相尚文章以風

容色澤放曠精清為高蓋吟寫性靈流連光景之

文也意義格力固無取焉陵遲至於梁陳淫艷刻

飾能巧小碎之詞劇此教聊切偷又宋齊之所不取

也唐與學官大振歷世之文能者互出而又沈宋

之流沈在期研練精切穩順聲勢謂之為律詩由

是而後又變之體極焉然而好古者遺近務華者

去實效承梁則不逮於魏晉工樂府則力屈於五

言律切則骨格不浮閑暇則纖穠莫備至於子美

蓋所謂上溥風雅下該沈宋言奪蘇李蘇武氣吞

曹劉曹植掩顏謝之孤高謝靈運雜徐庾之

流麗徐陵盡得古人之體勢而兼昔人之所獨專

矣如使仲心考鍛其言斐然不知圖其多乎哉一作

貴苟以為能所不能無可無不可則詩人已來未

有如子美者是時山東人李白亦以奇文取稱時

人謂之李杜余觀其壯浪縱恣擺去拘束模寫物

象及樂府歌詩誠亦差肩於子美矣至若鋪陳終

始排比聲韻大或千言次猶數百詞氣奮邁而風

謂清深奮一屬對律切而脫棄凡近則李尚不能

歷其藩翰况盡奧乎壺一予嘗欲條析其文體別

相附與來者為之準特病嬾未就爾適遇子美之

孫嗣業啓子美極之襄拊事於偃師偃師縣屬途次

于荆楚荆州江陵府也雅知余愛言其大父之為文拜余

為誌辭不能絕余因係其官閥而銘其卒葬云

係曰晉當陽成侯姓杜氏下十世而生依藝令於

冀冀州屬依藝生審言審言善詩官至膳部員外

郎審言生閑閑生甫閑為奉天令甫字子美天寶

中獻三大禮賦明皇奇之命宰相試文文善授右

衛率府胄曹屬京師亂玄宗天寶十四載步謁行在

拜左拾遺肅宗至咸餘以直言失官出為華州司功

肅宗至尋遷京兆功曹代

狀為工部員外郎參謀軍事旋又棄去扁舟下荆

甫志鳳翔上授左拾遺乾元元年

因言房琯不宜罷祀相自拾遺出掾華州

廣德元年劍南節度使嚴武

廣德二年嚴武以黃門待

楚間竟以寓卒旅殯岳陽

大曆五年夏南僻城玠之乱入衡州以湘流將適漢陽暮秋將

歸秦是歲秋冬之文卒于衡岳之間藁葬耒陽至元和中其孫將歸葬於何尚書縣元微之為誌今耒陽有南墓是豈微之但為誌而不克遷或已而故尚字 其 一 五十有九夫人弘農楊氏女

父曰司農少卿怡四十九年而終嗣子曰宗武病

不克葬歿命其子嗣業嗣業以家貧無以給喪收

什乞旬焦勞晝夜去子美歿後餘四十年然後卒

先人之志亦足為難矣

銘曰維元和之癸巳粵某月某日之佳晨合窆我

杜子美於首陽之山前

按後漢書相榮傳首陽山在今偃師縣之西北

嗚呼千

歲而下曰此文先生之古墳

題杜子美墳

韓愈撰

何人鑿開混沌殼二氣由來有清濁孕其清者為

聖賢鍾其濁者成愚樸英豪雖沒名猶嘉不肖虛

死如蓬麻榮華一旦世俗眼忠孝萬古賢人芽有

唐文物盛復全名書史冊俱才賢中間詩筆誰清

新屈指都無四五人獨有工部稱全美當日詩人

無擬倫筆追清風洗俗耳心奪造化回陽春天光

猜射洞庭秋寒玉萬頃清光流我常愛慕如飢渴

不見其面生悶愁今春偶客耒陽路淒慘去尋江

上墓召朋特地香煙蕪路入溪村數百步招手借

問騎牛兒牧兒指我祠堂路入門古屋三四間草

茅緣砌生無數寒竹珊珊搖晚風野蔓層層纏庭

戶升堂再拜心惻然心欲虔啟不成語一堆空土
煙蕪裏虛使詩人嘆悲起怨聲千古寄西風寒骨
一夜沉秋心當處處多白酒牛彘如今家家有
飲酒食肉今如此何故常人無飽死子美當日稱
才賢聶侯見待誠非喜洎乎聖意再搜求姦臣以
此欺天子捉月走入千丈波李白入水捉月忠諫便沉汨羅
底屈原固知天意有所存三賢所歸同一水過客
留詩千百人佳詞繡句虛相美墳空飲死已傳聞
千古醜聲竟誰洗明時好古疾惡人應以我意知
終始

遺補杜子美傳

李觀撰

唐杜甫子美詩有全才當時一人而已洎失意蓬
走天下由蜀往耒陽依聶侯不以禮遇之子美忽
忽不怡多遊市邑村落間以詩酒自適一日過江
上洲中飲既醉不能復歸宿酒家是夕江水暴漲
子美爲驚湍漂泛其尸不知落於何處洎玄宗還
南內思子美詔天下求之聶侯乃積空土於江上
曰子美爲白酒牛彘脹飲而死葬於此矣以此事
聞玄宗吁聶侯當以實對天子也既空爲之墳又
醜以酒炙脹飲之事子美有清才者也豈不知飲
食多寡之分哉詩人皆憾之題子美之祠皆有感
歎之意知非酒多而死也高顯宰耒陽有詩曰詩

名夫寶大骨葬耒陽空雖有感終不灼然唐賢詩
曰一夜耒江兩百年工部墳獨韓文公詩事全而
明白知子美之墳空土也又非因酒多而死耳

杜工部詩史舊集序

王

洙

叙曰杜甫字子美襄陽人徙河南鞏縣曾祖依藝
鞏令祖審言膳部員外郎父閑奉天令甫少不羈
天寶中獻三賦召試文章授河西尉辭不行改右
衛率府胄曹天寶末以家避亂郾獨轉陷賊中至
德二載竄歸鳳翔謁肅宗授左拾遺詔許至郾迎
家明年收京扈從還長安房琯罷相甫上疏論琯
有才不宜廢免肅宗怒貶琯邠州刺史出甫為華
州司功屬關輔饑亂弃官之秦州又居成州同谷
自負薪採椶餽糶不給遂入蜀卜居成都浣花里
後適東川久之召補京兆府功曹以道阻不赴欲
如荆楚上元二年聞嚴武鎮成都自閬挈家往焉
武歸朝廷甫浮遊左蜀諸郡往來非一武再鎮兩
川奏為節度叅謀檢校工部員外郎賜緋衣泰元
年夏武卒郭英乂代武崔旰殺英乂楊子琳栢正
節戈兵攻旰蜀大亂甫逃至梓州亂定歸成都無
所依乃泛江遊嘉戎次雲安移夔州大曆三年春
下峽至荆南又次公安入湖南泝沅湘流遊衡山
寓居耒陽嘗至獄廟阻暴水旬日不得食耒陽轟

令知之自具舟迎還五年夏一夕醉飽卒年五十

九觀甫詩與唐實錄猶槩見事迹比新書列傳彼

為藩駁傳云乃試京兆兵曹而集有官定後戲贈詩注云初受

東蜀依高適既至而適卒按適自東川入朝拜右散騎常侍乃卒

又集有忠州聞高常侍詩傳云高舟下陝未維舟而江陵亂乃

有大曆五年正月追酬高蜀州詩及別題大曆年者數篇甫集初六十卷今祕府舊藏

通人家所有稱大小集者皆曰逸之餘人自編撰

非當時第叙矣蒐裒中外書凡九十九卷古本二十一卷

卷集略十五卷有樊晃序小集六卷孫光憲序二十卷鄭文除其

重複定取千四百有五篇凡古詩三百九十有九

近體千有六起太平時終湖南所作視居行之次

若歲時為先後分十八卷又別錄賦筆雜著二十

九篇為二卷合二十卷意茲未可謂盡它日有得

尚副益諸寶元二年十月翰林學士兵部郎中知

制誥史館修撰王洙原叔記

讀杜工部詩集序

孫 僅

叙曰五常之精萬象之靈不能自文必委其精萃

其靈於偉傑之人以渙發焉故文者天地真粹之

氣也所以君五常母萬象也縱出橫飛疑無涯隅

表乾裏坤深入隱奧非夫腹五靈精心萬象靈神

合冥會則未始得之矣夫文各一而所以用之三

謀勇正之謂也謀以始意勇以作氣正以全道苟

意亂思率則謀沮矣氣萎體瘵則勇喪矣言芻蕘
蕪則正塞矣是三者迭相羽翼以濟乎用也備則
氣淳而長剝則氣散而涸中古而下文道繁富風
若周騷若楚文若西漢咸角然天出萬世之衡軸
也後之學者瞽瞍聾正不守其根而好其枝葉由
是日誕月艷蕩而莫返曹劉應揚之徒唱之

曹植劉楨應璩

揚沈謝徐庾之徒和之

沈休文謝靈運徐陸庾信

爭柔鬪葩聯組擅

繡萬鈞之重爍為錙銖真粹之氣殆將滅矣洎夫
子之為也剔陳梁亂齊宋挾晉魏豬其淫波遏其
煩聲與周楚西漢相準的其夔邈高聳則若鑿太
虛而噉萬籟其馳驟恠駭則若仗天策而騎箕尾

其首截峻整則若儼鉤陳而界雲漢樞機日月開
闔雷電昂昂然神其謀挺其勇握其正以高視天
壤趨入作者之域所謂真粹氣中人也公之詩支
而為六家孟郊得其氣焰張籍得其簡麗姚合得
其清雅賈島得其奇僻杜牧薛能得其豪健陸龜
蒙得其贍博皆出公之奇偏爾尚軒軒然自號一
家燼世烜俗後人師擬不暇矧合之乎風騷而下
唐而上一人而已是知唐之言詩公之餘波及爾
於戲以公之才宜器大任而顛寇虜汨沒蠻夷者
屯於時耶戾於命耶將天嗜厭代未使斯文大振
耶雖道振當世而澤化後人斯不朽矣因覽公集

輒洩其憤以書之

杜工部詩後集序

王

安石

序曰予考古之詩尤愛杜甫氏作者其辭所從出一莫知窮極而病未能學也世所傳已多計尚有遺落思得其完而觀之每一篇出自然人知非人之所能為而為之者惟其甫也輒能辨予之令鄞縣名焉客有授予古之詩世所不傳者二百餘篇觀之予知非人之所能為而為之實甫者其文與意學者至乎甫而後為詩不能至要之不知詩焉爾嗚呼詩其難惟有甫哉自洗兵馬下序而次之以示知甫者且用自發焉皇祐壬辰五月日臨川王安石序

成都草堂詩碑序

胡

宗愈

序曰草堂先生謂子美也草堂子美之故居因其所居而號之曰草堂先生先生自同谷入蜀遂卜成都浣花江上萬里橋之西為草堂以居焉唐之史記前後抵牾先生至成都之年月不可考其後先主寄題草堂云經營上元始斷手寶應年然則先生之來成都殆上元之初乎嚴武入朝先生送武至巴西遂如梓州蜀亂乃之閬州將遊荆楚會武再鎮兩川先生乃自閬州挈妻子歸草堂武辟

槩見如陪公杖屨而遊四方數百年間猶對面語何患於難讀耶名公巨儒譜叙注釋是不一家用意率過異說如蝟余因舊集略加編次古詩近體一其先後摘諸家之善有考於當時事實及地理歲月與古語之的然者聊注其下若其意律乃詩之六經神會意得隨人所到不敢易而言之叙次既倫讀之者如親罹艱棘虎狼之慘為可驚愕目見當時眈庶被削刻轉塗炭為可憫因感公之流徙始而適中而瘁卒至於為少年輩侮忽以訖死為可傷也紹興癸酉五月晦日丹丘冷齋魚鱗書序

增修王原叔編次杜詩後記 王 琪

近世學者爭言杜詩愛之深者至剽括句語迨所用險字而模畫之沛然自以絕洪流而窮深源矣又人人購其亡逸多或百餘篇少或數十句藏去矜大復自以為有得翰林王君原叔尤嗜其詩家素畜先唐舊集及採祕府名公之室天下士人所自得者悉編次之事具于記於是杜詩無遺矣子美博聞稽古其用事非老儒博士罕知其自出然缺久矣後人妄改而補之者眾莫之遏也非原叔多得其真為害大矣子美之詩詞有近質者如麻鞋而過甚豈遠大者難窺乎然夫子之刪詩也至于

若履脚不

機之句所謂轉石於千仞之山勢也學者尤效之

見天

先生爲參謀武卒蜀又亂先生去之東川移居夔州遂下荆渚沂沅湘上衡山卒於耒陽先生以詩鳴於唐凡出處去就動息勞佚悲懽憂樂忠憤感激好賢惡惡一見於詩讀之可以知其世學士大夫謂之詩史其所遊歷好事者隨處刻其詩於石及至成都則闕然先生之故居松竹荒涼略不可記今丞相呂公鎮成都復作草堂於先生之舊址繪先生之像於其上宗愈假符於此乃錄先生之詩刻石置於草堂之壁間先生雖去此而其詩之意有在於是者亦附其後庶幾好事者於以考先生去來之迹云元祐庚午資政殿學士中大夫知

成都軍府事胡宗愈序

編次杜工部詩序

魯 嘗

騷人雅士同知祖尚少陵同欲模楷聲韻同苦其意律深嚴難讀也余謂少陵老人初不事艱澁左隱以病人其平易處有賤夫老婦所可道者至其深純宏妙千古不可追跡則序事穩實立意渾大遇物寫難狀之景紆情出不說之意借古的確感時深遠若江海浩漾漾以切大水貌風雲湧汨蛟龍鼉鼉出沒其間而變化莫測風澄雲霽象緯回薄錯峙偉麗細大無不可觀離而序之次其先後時危平俗媿惡山川夷險風物明晦公之所寓寄局皆可

檜曹小國寺人女子之詩句中法度或取而弦歌
善言詩者豈拘於人哉原叔雖自編次余病其卷
帙之多而未甚布暇日與蘇州進士何君瑒丁君
脩得原叔家藏及今古諸集聚于郡齋而參考之
三月而後已義有兼通者亦存而不敢削閱之者
固有淺深也而又吳江邑宰河東裴君煜取以覆
視乃益精密遂鏤于板庶廣其傳或俾余序于篇
者曰如原叔之能文稱于世止作記于後余竊慕
之且余安知子美哉但本末不可闕書故槩舉以
附于卷終原叔之文今遷于卷首云嘉祐四年四
月望日姑蘇郡守太原王琪後記

增註杜工部詩序

王

彥輔

唐興承陳隋之遺風浮靡相矜莫崇理致開元之
間去雕篆黜浮華稍裁以雅正雖絺句繪章人得
一槩各爭所長如大羹元酒者則薄滋味如孤峯
絕岸者則駭廊廟穠華可愛者之風骨爛然可珍
者多玷缺逮至子美之詩周情孔思千彙萬狀如
古涵今無有端倪森嚴昭煥若在武庫見戈戟布
列蕩人耳目非特意語天出尤工於用字故卓然
爲一代冠而歷世千百膾炙人口予每讀其文竊
苦其難曉如義鷗行巨鰲折老拳之句劉夢得初
亦疑之後覽石勒傳方知其所自出蓋其引物連

類倚撫前事往往而是韓退之謂光燄萬丈長而
世號爲詩史信哉予時漁獵書部嘗妄注緝且十
得五六官遊南北因循中輟投老掛冠杜門家居
日以無事行樂之暇不度蕪淺既次其韻因閱舊
注惜不忍去搜考所知再加鐫釋然字不幸病目
無與乎簡牘之觀遂命子澂泊孫端仁參夫討繹
俾之編綴用償夙志尚愧孤陋未臻詳盡在昔聖
人猶曰有所不知立蓋闕如顧惟聞見之寡茲所
不免但藏篋中以貽來裔非敢示諸博古之君子
按鄭文寶少陵集張逸爲之序又有蜀本十卷自
王原叔內相再編定杜集二十卷後姑蘇守王君

玉得原叔家藏於蘇州進士何瑒子脩處及今古
諸集相與參考乃曰義有兼通者亦存而不敢削
故予之所注以蘇本爲正云時 洪宋八葉

明天子之在御政和紀元之二三禩下元日序

杜少陵詩音義序

鄭 印

讀少陵詩如馳騫晉楚之郊以言其高則鄧林千
巖榭楠杞梓扶踈摩雲以言其深則滇波萬頃蛟
龍鼉鼉徜徉排空拭背極目方且心駭神悸莫知
所以若其甄別名狀實難爲功韓退之推其光焰
萬丈長殆謂是矣 國家追復 祖宗成憲學者
以聲律相飭少陵矩範尤爲時尚於其淹貫羣書

比類賦象渾涵天成奇文險句厭人目力讀者未始不以搜尋訓切爲病印近因與二三友質問爰就隱奧處著爲音義至夫人物地理古今傳志咸極討論施之新學未亦可乎時紹興改元歲次辛亥長至後五日長樂鄭印序

跋杜子美詩

并序

鄭印

余讀李元宥補遺傳及韓退之題杜工部墳詩皆自撫遺所載疑非二公所作然大曆元和時之相去猶未爲遠不當與本集抵牾若是大抵後之好事者託而質之也嘗攷子美以大曆五年四月臧玠殺崔灌由是避地入衡州至耒陽遊嶽祠以大水涉旬不得食耒陽聶令具舟迎之水漲遂泊方田驛子美詩以謝之繼而公湘流將適漢陽暮秋歸秦有詩別湖南幕府親友豈以夏而溺死耒陽復有此作蓋其卒在潭岳間秋冬之際元微之誌銘亦略見本末作史者惑於撫遺之說遂有牛炙白酒一宿卒之語信史之誤余不可以不辨長樂鄭印謹跋

杜子美之於詩實積衆家之長適當其時而已昔蘇武李陵之詩長於高妙曹植劉公幹之詩長於豪逸陶潛阮籍之詩長於冲澹謝靈運鮑昭之詩長於峻潔徐陵庾信之詩長於藻麗於是子美窮

高妙之格極豪逸之氣包冲澹之趣兼峻潔之姿
備藻麗之態而諸家之作所不及焉然不集諸子
之長子美亦不能獨至於斯也豈非適當其時故
耶孟子曰伯夷聖之清者也伊尹聖之任者也柳
下惠聖之和者也孔子聖之時者也孔子之謂集
大成嗚呼子美亦集詩之大成者歟

讀子美詩

孫何

世系留唐中立封寄耒山高名落身後遺集出人
間逸氣應天與溥風自我還鋒鏃堪定霸微墨可
繩姦進退軍三令迴旋馬六閑楚詞休獨步周雅
合重刪李白從先達王維亦厚顏庖刀盡餘刃弄
鼓肯虛鸞聖域分中土天樞奪要關逍遙登禁闥
偃蹇下塵寰麗思蘇幽蟄神功鑿險艱語成新體
句才折好官班誰氏傳軒冕何人得佩環朱弦本
疏越黃鳥浪絲蠻元白詞華窳錢郎景象鏗蜀峯
愁杳杳湘水浪潏潏子欲探驪頷吾思擷虎斑毛
雖應穎脫燕石竟踈頑巴襲蘭兼菊無嫌蒯與菅
二南如有得高躅願追攀

子美畫像

歐陽脩

風雅久寂寞吾思見其人杜君詩之豪來者孰比
倫生馬一身窮死也萬世珍言苟可垂後士無羞
賤貧

子美畫像

王

安石

吾觀少陵詩謂與元氣侔力能排天幹九地壯顏
毅色不可求浩蕩八極中生物豈不稠醜妍巨細
千萬殊竟莫見以何雕鏤惜哉命之窮顛倒不見
收青衫老更斥餓走半九州瘦妻僵前子仆後攘
攘盜賊森戈矛吟哦當此時不廢朝廷憂嘗願天
子聖大臣各伊周寧令吾廬獨破受凍死不忍四
溟寒颼颼傷屯悼屈止一身嗟時之人我所羞所
以見公畫再拜涕泗流推公之心古亦少願起公
死從之遊

讀子美集

張

伯玉

寂寞風騷主先生第一材詩魂躔斗壁筆力撼蓬
萊運動天樞朽奔騰地軸摧萬蛟盤險句千馬來
雄才勢走岷峨盡辭含混沌來剖山無鵠石傾廐
盡龍媒薦擢誇三賦飄零放一盃艱難行蜀道感
激上燕臺日月兵前沒江湖笑裏開獨吟千載後
肝膽洗塵埃

觀子美畫像

楊

蟠

文光萬丈照詞林獨步才難一代欽塵土未論今
日貌篇章空憶舊時心寂寥冠劍無由作零落丹
青豈復吟師法望公千載後仰風二歎感知音
少陵先生杜工部草堂詩史傳序碑銘終

黃氏補註杜工部年譜辨疑

臨川黃鶴譔

先生姓杜氏名甫字子美本襄陽人後徙河南鞏縣按唐宰相世系表襄陽杜氏出自晉當陽侯預少子尹字世甫晉弘農太守二子緄彌緄字弘固奉朝請生襲襲生標標生冲冲生洪泰二子祖顓顓生景仲而先生作萬年縣君京兆杜氏墓誌云曾祖某隋河內郡司功參軍獲嘉縣令王父依藝皇監察御史洛陽鞏縣令考審言修文館學士尚書膳部員外郎舊史杜易簡傳云易簡襄陽人周硤州刺史叔毗曾孫從祖弟審言次子閑閑生甫又杜甫傳云曾祖依藝終鞏令祖審言終膳部員外郎父閑終奉天令元微之誌云晉當陽侯下十世而生依藝然則自杜尹至先生爲十二世故先生酌遠祖晉鎮南將軍文云十二葉孫又先生有示從孫濟寄從孫崇簡示姪佐因示從弟行軍司馬位詩而濟崇簡佐位皆出景仲下意叔毗與景仲爲兄弟易簡審言出叔毗下獲嘉即叔毗之子是爲先生高祖

睿宗先天元年壬子

先生生於是年蔡興宗引元微之墓誌王原叔集記魯訢引唐書列傳皆云先生年五十九歲卒於大曆五年則當生於是年魯又引公上大禮賦表云臣生陛下淳樸之俗行四十載矣天寶十載奏賦年二十九逆數公今年生呂汲公云公生先天元年癸丑天寶十二載奏賦若果十三載奏賦則先生四十二歲矣梁經祖集譜亦云十三載奏賦今考通鑑唐宰相表及酌遠祖文以開元二十九年爲

辛巳祭房公文以廣德元年為癸卯則先天元年為壬子無疑如魯謂十載奏賦則是年辛卯恰四十歲不可謂之年三十九何以表謂之行四十載案朝獻太清宮賦首云冬十一月天子納處士之議又云明年孟陬將摠大禮則是九載庚寅預獻賦故年三十九表宜云行四十載又按舊史天寶十載云是秋霖雨積旬墻屋多壞西京尤甚公作秋述云秋杜子卧病長安旅次多雨生魚青苔及榻又云我弃物也四十無位則是十載年四十其生於是年又無疑

先天二年癸丑改開元元年

是年八月明皇即位改元開元揚經祖集譜云先天元年壬子八月玄宗即位非

開元二年甲寅

開元三年乙卯

先生在郾城觀公孫弟子舞劍行序云開元三年余尚童稚記於郾城觀公孫氏舞劍器呂譜云是年纔四歲年必有誤案先生壯遊詩云七齡思即壯開口詠鳳皇以七歲能詩則四歲而記事非不能矣曾譜引進鵬賦表中語為證亦是

開元四年丙辰

開元五年丁巳

開元六年戊午

是年先生七歲壯遊詩云七齡思即壯開口詠鳳皇則自是年能詩矣故進鵬賦表云臣素賴先人緒業自七歲所綴詩筆向四十載矣約千有餘篇今所存纔十一王原叔

集記云千四百有五篇者多是後來所作

開元七年己未

開元八年庚申

是年先生九歲壯遊詩云九齡書大字有作成一囊

開元九年辛酉

開元十年壬戌

開元十一年癸亥

開元十二年甲子

開元十三年乙丑

是年先生十四歲壯遊詩云往昔十四五出遊翰墨場

開元十四年丙寅

是年先生十五歲出遊選場崔鄭州尚魏豫州啓心稱之

故壯遊詩云斯文崔魏徒以我似班揚

開元十五年丁卯

開元十六年戊辰

開元十七年己巳

先生乾元元年戊戌有因許八寄江寧曼上人詩云不見

曼公三十年曼江寧僧也逆數其年則遊曼越至江寧當

在是年然上大禮賦表云浪跡於陛下豐章長林實自弱

寇之年則十九年辛未公方二十歲當以表爲是詩特舉

成數而言耳

開元十八年庚午

開元十九年辛未

是年先生二十歲以進大禮賦表所云則遊吳越當起於

今自是下姑蘇渡會稽數年方歸

開元二十年壬申

開元二十一年癸酉

開元二十二年甲戌

是年先生自越歸赴鄉舉故云歸帆拂天姥中歲貢舊鄉
上韋左丞詩云甫昔少年日早充觀國賓是年方二十三
歲宜謂少年矣

開元二十三年乙亥

是年先生下第明年春以禮部侍郎掌貢舉則謂之忤下
考功第當在今年蓋唐制年年貢士也案選舉志每歲仲
冬州縣館監舉其成者送之尚書省舊史云天寶初應進
士不第非

開元二十四年丙子

案舊史是年二月乙未始移考功貢舉遣禮部侍郎掌之
新史選舉志云二十四年考功貢外郎李昂為舉人詆訶
帝以貢外郎望輕遂移貢舉於禮部以侍郎主之禮部選

士自此始魯譜謂開元二十六年戊寅春徙禮部以春官
侍郎主之不知何據而云壯遊詩云忤下考功第拜辭京
尹堂放蕩齊趙間裘馬頗清狂則下第必在是年之前遊
齊趙必在是年之後詩又云快意八九載西歸到咸陽而
先生天寶五載歸京師應詔故遊齊趙當在今年後又十
曆五年酬寇十侍御云往別郇瑕地于今四十年自今年
至大曆五年雖方三十五年亦舉成數而言也

開元二十五年丁丑

先生游齊趙案新史嘗從李白及高適過汴州酒酣登吹
臺慷慨懷古蓋白家於任城適以家貧客梁宋以求丐取
給故先生與之定交遣懷詩所謂憶與高李輩論交入酒
壚兩公壯藻思得我色敷腴是也其登吹臺雖未定何年

然必在是年後又云先帝正好武寰海未彫枯猛將收西域長戟破林胡則先生登吹臺時明皇正有事於西戎考通鑑開元二十五年崔希逸自涼州南入吐蕃境二千餘里至青海西大破之二十六年春杜希望攻吐蕃新城拔之以其地爲威戎軍蓋其時也

開元二十六年戊寅

開元二十七年己卯

開元二十八年庚辰

開元二十九年辛巳

是年先生在河南有祭遠祖晉鎮南將軍于洛之首陽又有冬日懷李白詩案李白傳云白天寶初客遊會稽則與先生別當在今年故詩有未因乘興去之句

天寶元年壬午

是年先生在河南爲萬年縣君京兆杜氏作誌萬年先生之姑也即范陽太君誌所謂適裴榮期者案誌云天寶元年六月二十九日遷殯于河南縣平樂鄉有兄子甫紀德於斯刻石於斯又有詩題云天寶初南曹小司寇於我太夫人堂下壘土爲山而詩云惟南將獻壽其曰太夫人者豈非先生指祖母范陽太君盧氏而言若以爲先生之母則此後不聞先生有纓棘之憂或謂先生之母微故誌史不言介婦有崔氏然先生何爲有與諸舅詩又皆秀而仕者京兆誌又云甫昔卧病於我諸姑姑之子久病女巫至曰處楹之東南隅吉姑遂易子之地以安我我是用存而銘之爲義姑蓋先生之母早亡乃育於姑而至於有成也

天寶二年癸未

是年先生在河南

天寶二載是年正月甲申改年為載

是年五月五日先生祖母范陽太君盧氏卒於陳留之私

第審言前娶安薛再盧氏也

八月旬有六日葬于河南之鄆師先生作

誌云某等遭內艱云云當是代叔父作而誌又云薛氏所

生子適曰某故朝議大夫次曰并幼卒報復父讎國史有

傳次曰專歷開約尉先是不祿而不及先生之父閑為奉

天令何也若以為是時閑猶無恙誌代其作此後又不聞

先生居父喪且并年十二歲死宜無婦而誌家婦盧氏介

婦鄭氏魏氏王氏則是四婦而所載子何為與并止四人

則云某等遭閔凶又似指父名而言而鄭氏即先生之正

母更俟博考陳子昂祭審言文在景隆二年則審言卒後

審言

六

四年先生始生三十七年盧氏始卒第未詳閑以何年卒也

天寶四載乙酉

是年夏先生在齊州有陪李北海宴歷下亭詩為開元皇

帝皇甫淑妃作墓碑云公主戚然謂左右曰自我之西歲

陽載紀云云於是下教有司爰度碑板案爾雅自甲至癸

為歲之陽妃以開元二十二年乙亥十月癸未朔薨其月

二十七日葬于河南縣龍門之西北原故至今年乙亥為

歲陽載紀矣公主即臨晉公主下嫁滎陽鄭潛曜鄭有園

亭在河南新安縣先生嘗遊之故碑云忝鄭莊之賓客遊

竇主之園林又有鄭駙馬宅宜洞中詩重題鄭氏東亭詩

詩當係於天寶二三年間

天寶五載丙戌

是年先生以天子詔天下有一藝詣轂下遂西歸應詔有
行次昭陵詩云幽人拜鼎湖有今夕行云咸陽客舍無一
事乃西歸時詩蔡譜云是年有飲中八仙歌徒以李適之
四月罷政及先生西歸而云案史李白嘗侍帝醉使高力
士脫鞵力士素貴恥之摘其詩以激揚貴妃帝欲官白妃
輒沮止白自知不為親近所容益驚放不自脩與賀知章
李適之汝陽王璣崔宗之蘇進張旭焦遂為酒八仙人而
賀知章以天寶二載去國白亦還山九歌所言皆天寶二
三年事意是天寶六七載從汝陽王遊時為王作也壯遊
詩云賞遊寶賢王蓋在西歸咸陽之後

天寶六載丁亥

杜幸清

是年先生應詔退下作天狗賦序云天寶中上冬幸華清
宮甫因至獸坊怪天狗院列在諸獸院又云尚恨其與九
獸近賦云吾君儻意耳尖之有長毛兮寧久被斯人終日
馴狎已蓋喻己也案舊史天寶六載冬十月幸溫泉改為
華清宮明年冬公又至東都故知賦在今年作十一載上
鮮于京兆詩云且隨諸彥集方覲薄材伸破膽傷前政陰
謀獨秉鈞微生霑恩刻萬事益酸辛正謂是年應詔李林
甫忌人斥已建言草茅徒以狂言亂聖聽請付尚書試問
無一中者故云魯譜謂上韋左丞詩在是年不考是年濟
未拜左丞

天寶七載戊子

是年先生在長安有寄河南韋尹詩案舊史天寶七載韋

濟爲河南尹遷左丞詩云江湖漂祖褐霜雪滿飛蓬牢落
乾坤大周流道術空蓋謂遊吳越齊趙多年而無所成非
旅寓而寄之也及韋遷左丞則有上韋左丞二詩此在長
安親上之故曰上詩云今欲東入海即將西去秦蓋應詔
下復有意於遠遊明年果在東都又有高都護驄馬行

天寶八載己丑

先生在河南有冬日洛城謁玄元皇帝廟詩詩云五聖聯
龍袞蓋是年閏六月加謚高祖及四宗大聖字故云

天寶九載庚寅

先生是年進三大禮賦又嘗進鵬賦案進鵬賦表云自七
歲所綴詩筆向四十載矣與進三賦表云行四十載矣語
意相同故知進鵬賦在是年進三賦之先若以爲在後必

卷之三

八

如進封西岳賦表云奏賦待制於集賢委學官試文章矣
魯諤云是年十一月封華嶽殊不知雖許封嶽而是年廟
災及旱遂詔停封先生十二載方進封西嶽賦而請封也
又有兵車行

天寶十載辛卯

先生在京師以奏賦明皇竒之命待制集賢院召試文章
有秋述有杜位宅守歲詩秋述云我四十也無位守歲云
四十明朝過

天寶十一載壬辰

先生在京師十一月楊國忠拜相鮮于仲通除京兆尹先
生有上鮮于京兆詩又有太常張卿詩鮮于詩云爰合丹
青地恩傾雨露辰有儒愁餓死早晚報平津張詩云吹噓

人所羨騰躍事仍朕當是其年召試文章止送有司參列
選序故云呂譜上韋左相詩云鳳曆軒轅紀龍飛四十春
以玄宗即位至是為四十年故知在今年作按史天寶十五
載七月明皇幸蜀以韋見素為左相今不應先云左相又
案宰相表天寶十二載甲午韋見素為武部尚書同中書
門下平章事知門下省事當是其時投之故詩云韋賢初
相漢蔡譜謂是歲苦雨潦閱六旬上謂宰相非其人罷陳
希烈拜韋見素時明皇在位四十二年蓋詩得略舉成數
非若進賦之可據此說是呂譜又以麗人行入今年謂丞
相者為楊國忠而不知國忠今年十一月方為右相當是
十二載蔡譜謂次歲以後詩為是

天寶十二載癸巳

九

先生在京師有上哥舒翰詩云幾年春草歇今日暮途窮
有留贈集賢院崔于二學士詩云天老書題目春官驗討
論倚風遺鷓路隨水到龍門竟與蛟螭雜寧無燕雀喧又
云儒術誠難起家聲庶已存故家多藥物勝槩憶桃源欲
整還鄉旆長懷禁掖垣謬稱三賦在難述二公恩崔于二
學士當是試文之人試後止降恩澤送隸有司參列選序
故起故山之興

天寶十二載甲午

按舊史是年二月戊寅右相兼文部尚書楊國忠守司空
餘如故甲申司空楊國忠受冊而先生進封四岳賦表云
維岳授陛下元弼克生司空又云頃歲有事於郊廟幸得
奏賦待制於集賢委學官試文章冊降恩澤乃猥以臣名

實相副送隸有司參列選序則進封西岳賦當在是年蓋未授河西尉也魯譜云此賦當在未封西岳前而紀封華岳在九載又當考也魯蓋不考九載廟災及早詔停封故先生進賦在今年有秋雨歎有上韋左相等詩

天寶十四載乙未

是年先生授河西尉不樂改授率府胄曹故官定戲贈曰不作河西尉淒涼為折腰老夫怕奔走率府且逍遙而夔府書懷云昔罷河西尉初與前北師則改授率府胄曹當在是年之冬蓋是年十一月祿山反也詩史云前北反書未聞已逸身畿甸為非若先已竄逸則改授無容在初興師之時矣呂與蔡譜俱云十一月初赴奉先故有赴奉先詠懷詩然詩不言祿山反狀但言歡娛聚斂以致亂又詩云豈知秋未登貧窶有倉卒當是上年秋雨艱食時作非避亂時詩甚明

天寶十五載丙申

是年七月明皇幸蜀七月甲子肅宗即位於靈武先生五月自奉先往白水依舅氏崔十九翁有高齋詩三十韻六月又自白水往鄜州有二川觀水漲詩按本傳云聞肅宗立自鄜羸服奔行在為賊所得則在是年八月故有月夜九日藍田崔氏莊哀王孫悲陳陶悲青坂對雪等詩

至德二年丁酉

是年春先生在賊中有元日寄韋氏妹詩云不見朝正使啼痕滿面垂又有春望憶幼子一百五夜對月大雲寺贊公房等詩亦嘗至東都豈非為賊送與囚者為列故有鄭

駙馬池臺喜遇鄭廣文同飲詩云燃臍郿塢敗指祿山死也又駙馬池臺在河南新安縣夏得脫賊中故述懷詩云今夏草木長脫身得西走謁肅宗于鳳翔有喜達行在所詩六月一日有奉謝口敕放三司推問狀時結銜云宣義郎行左拾遺則拜拾遺必在五月按史帝紀宰相表是年五月丁巳房瑄罷相先生上疏瑄肅宗怒詔三司推問中書侍郎同平章事張鎬揀之就令鎬宣口敕宜放推問故有謝狀鎬拜同平章在瑄罷之前四日也六月十二日又有同遺補薦岑參諫官狀八月放還鄜州省妻子北征詩云皇帝二載秋閏八月初吉杜子將北征蒼茫問家室又有徒步歸行當是八月得墨勅閏月初一日方行九月復京師十月丁卯肅宗至自靈武先生亦還京師有臘日及送鄭虔貶台州等詩

乾元元年戊戌

是年春先生在諫省有春宿左省曲江對酒食岑補闕送賈閣老出汝州等詩夏有端午日賜衣詩六月出為華州司功有酬孟雲卿詩云明朝牽世務揮淚各西東又有出金光門與親故別望岳等詩七月有為華州郭使君進滅殘寇形勢圖狀有策進士文元微之誌云左拾遺歲餘以直言出華州司戶蓋至德二載五月為拾遺至今六月為歲餘第不知以言何事而出有悲往事詩云移官豈至尊當是左右有不樂者是時苗晉卿為侍郎王嶼同平章而李麟崔圓張鎬皆先一月罷也冬尚留華有至日遣興寄北省舊閣老兩院故人詩云孤城此日堪腸斷是也魯與

蔡譜謂弃官至東都有閔卿姜七少府設鱸及湖城遇孟雲卿劉顥宅飲宿等詩當是冬晚至東都

乾元二年己亥

是春先生自東都回華州按史三月丁亥以旱降死罪流以下四月壬寅詔減常膳服御舊史亦云四月癸亥以久旱徙市雩祭祈雨先生賦夏日歎故有萬民尚流冗舉目唯蒿萊之句本傳關輔飢弃官去客秦州當在其年七月末蓋華下苦熱詩云七月六日苦炎蒸則是月初尚在華又秦州雜詩二十首多言秋時景物去秦州赴同谷縣有發秦州詩云漢源十月交天氣如秋涼指同谷十月如此則去秦亦必在十月故至寒碇有詩云況當仲冬交沂泂增波瀾考秦至成之界垂二百里又七十里至成今寒碇

李華

十二

尚為秦地而已交十一月則先生去秦又可知在十月之末至同谷不及月遂入蜀有發同谷縣詩云賢有不黔突聖有不暖席趙註云八嘗自註此詩云乾元二年十二月一日自隴右赴劔南今書雖無此註而木皮嶺詩云季冬携童稚辛苦赴蜀門水會渡詩云微月没已久可知為十一月初也至成都不出此月故詩云季冬樹木蒼蒼是時裴冀公冕牧蜀

乾元三年庚子改上元元年

是年先生在成都裴公為卜成都西郭浣花寺居高適詩云聞道招提客是也二月裴歸朝以京兆尹李若幽後賜名國

楨為成都尹舊史李國楨傳云為京兆尹上元初改成都

尹兼御史大夫充劔南節度使而先生未嘗與之交故詩

文無一語及之是年先生營草堂詩所謂經營上元初是也堂成詩云綠江路熟俯青郊又云飛來語燕定新巢則三月堂已成自是居草堂間嘗至外邑有賦青城縣出成都寄陶王二少尹

上元二年辛丑

是年二月李若幽入為殿中丞癸亥以崔光遠為成都尹劍南節度使四月劍南東川節度兵馬使段子璋反陷綿州高適同崔光遠討子璋伏誅先生有贈花卿云子璋髑髏血模糊手提擲還崔大夫是也按舊史光遠收段子璋以將士肆剽劫光遠不能禁肅宗遣監軍中使按其罪光遠憂恚成疾上元二年十月卒而紀云建子月卒舊史高適傳又云天子怒光遠不能戢軍乃罷之以適代光遠為

字子

十三

成都尹而紀云建丑月以嚴武為成都尹則適未嘗代光遠意光遠罷後適攝成都故先生無詩稱其為尹也若適果代光遠為尹先生近在草堂不應詩文中無一字及之是時適為蜀州刺史史謂適由太子賓客出為蜀州刺史遷彭州然先生有李司馬橋了承高使君自成都回詩云已傳童子騎青竹揔擬橋東使君按九域志成成都皆在蜀州之東彭州之南以此知適為蜀州甚明自元年至今年成都更李若幽崔光遠高適然後嚴武至而諸譚皆不載若李與崔宜與先生弗合宜無可攷百憂集行云即今倏忽已五十強將笑語供主人當是為崔李而云或謂指高適嚴武然適武俱有舊適又攝尹不久未必是指二人秋作唐興縣客館記記云中興之四年又云辛巳秋分大餘

二小餘二千一百八十八杜氏之老記已

寶應元年壬寅

是年四月代宗即位先生在成都上嚴武說旱蓋建卯月也七月武歸朝公送武至綿州有送嚴侍郎到綿州同登樓及奉濟驛重送嚴公詩是時嚴武未拜黃門侍郎其曰送嚴侍郎者後來所題也先生送武去成都旋有徐知道之亂因入梓州徐知道反雖史不書平亂之人然武入朝後不聞別除成都尹按舊史高適傳云代宗即位吐蕃寇隴右漸逼京畿適練兵於蜀臨吐蕃南境以牽制之師出無功而松維等州陷代宗以黃門侍郎嚴武代還當是崔光遠不能戢兵罷成都時適止攝節度事而武乃正除故武受命距光遠卒時才一月意今年七月武召還後適方正除西川節度故廣德元年練兵臨吐蕃南境然先生與適素厚何以送武至綿遂入梓復歸成都迎家往梓閣及嚴武再鎮成都乃始歸草堂豈非中間與適頗睽舊好故爾不然何無一詩及之又何挈家優游東川師古謂貧交行為嚴武作今疑為適作也

廣德元年癸卯

是年三月辛酉葬玄宗庚午葬肅宗嚴武為山陵橋道使先生在梓州補京兆府功曹不赴有春日登梓州城樓陪李使君泛江又陪李使君登惠義寺等詩又嘗送辛負外暫至綿州詩云直到綿州始分首又云殘花悵望近人開當是三月秋八月與漢中王瑀同會于章梓州水亭蓋梓州刺史春夏是季秋冬是章彝九月壬戌是為二十三日

在閬州祭房琯有警急詩魯譜云系云時高公適領西川節度而詩注則云趙曰又非先生所系也詩云才名舊楚將謂適為揚州都督而云若果為適作亦嘆其師出無功耳冬十月吐蕃陷京師十二月吐蕃陷松維州先生時在閬州故巴山詩云巴山遇中使云自陝城來盜賊還奔竄乘輿恐未回又有收京西山王命征夫等詩呂譜謂是年嚴武再鎮西川奏甫節度參謀檢校工部員外郎蓋不考武入蜀與奏參謀皆在二年是年冬晚又略至梓所以發閬州詩有別家三月一得書之句

廣德二年甲辰

是春先生復自梓往閬州嚴武再鎮蜀復自閬歸草堂依武與王十四侍御云猶得見殘春則歸成都在春晚嚴武

李譜

十五

奏為節度參謀檢校工部員外郎賜緋魚袋有揚旗詩系云二年夏六月成都尹鄭公會置酒觀騎士新旗幟有立秋日雨院中有作詩則入幕必在是年六月史云梓州刺史章彝舊亦武判官以微事忤武召赴行在殺之而先生有詩寄章十侍御乃云河內猶宜借寇恂又云朝覲從容問幽反勿云江漢有垂綸何也魯蔡譜云武來領蜀彝已交印史當失之然彝方是廣德元年夏至梓未應得代其曰朝覲者必是章入奏故云自是彝不見有別除而先生亦無詩及之似果為武所殺秋有和嚴公軍城早秋院中晚晴懷西郭茅舍到村宿府遣悶陪鄭公秋晚北池臨眺等詩冬有初冬詩云垂老戎衣窄蓋以是年十月嚴武攻吐蕃鹽川城一作著戎衣也又有至後詩

永泰元年乙巳

是年正月三日先生自成都院中歸溪上有詩舊史代宗紀永泰元年四月庚寅成都尹嚴武薨五月癸丑以郭英乂爲成都尹先生與英乂有舊有奉送郭中丞赴隴右節度使詩蓋與英乂也然志不相合遂去草堂下忠渝有去蜀詩云五載客蜀郡宴戎州揚使君東樓詩云輕紅擘荔枝又有渝州候嚴六侍御不到先下峽宴忠州使君宅題忠州龍興寺所居院壁等詩蓋先生以是年六月至忠州故有是作其至雲安亦是時自秋徂冬俱在雲安十二月一日二首其一云雲安縣前江可伶蓋可知也呂譜云嚴武平蜀亂甫遊東川除京兆功曹不赴不考是年四月武已死又未嘗平蜀亂其除京兆功曹亦在廣德二年也

永泰二年丙午改大曆元年

是年春先生在雲安故客堂詩云石室蕨菜紫渚秀苔繁綠移居夔州郭詩云春知催柳別則移居在春晚也有爲夔州栢都督謝上表課伐木詩云城中賢府主園人送瓜詩云相公鎮夔國園官送菜詩云常荷地主恩皆指栢而云栢當是貞節也終歲居夔州

大曆二年丁未

是年春先生居赤甲按詩云卜居赤甲遷居新雨見巫山楚水春則是今年春方遷赤甲暮春又遷居瀼西有題瀼西草屋詩云久嗟三峽客再與暮春期秋又移居東屯秋晚復自東屯歸瀼西各有詩

大曆二年戊申

是年春先生出峽案贈南鄉兄瀼西果園四十畝云正月
喧囂未茲辰放鷁初當是正月去夔三月至江陵有呈江
陵幕府諸公詩云白屋花開裏孤城秀麥邊又有暮春江
陵赴馬大卿詩秋晚遷公安縣有移居公安縣衛大郎詩
云水煙通徑草秋露接園葵又有公安送韋二少府公安
懷古等詩憇此縣數月歲暮去之岳州有泊岳陽城下登
岳陽樓等詩

大曆四年己酉

是年正月先生自岳陽之潭有宿青草湖湘夫人祠入喬
口等詩至潭未幾入衡有發潭州詩至衡畏熱復回潭有
回棹詩登舟將適漢陽詩又有風疾舟中伏枕書懷呈湖
南親友詩云故國悲寒望羣雲慘歲陰鬱鬱又炎瘴濛濛

雨滯淫又云春草封歸恨桃花費獨尋又云瘞天追潘岳
持危覓鄧林當在是年冬晚作不然即次年春作是年先
生必有哭子之戚故用瘞天事按先生在夔時宗文宗武
俱無恙而元微之誌止云嗣子宗武病不克葬則宗文爲
早世意所謂瘞天即宗文也未陽縣北之墳豈非瘞宗文
者後世不考遂因牛酒之語從而附會以爲葬先生于此
也

大曆五年庚戌

是年春先生在潭州率舟居四月臧玠殺崔瓘先生避亂
至衡山有題衡山縣文宣王廟新學堂呈陸宰詩入衡將
如郴州依舅氏故入衡州詩云諸舅剖符近魯譜謂諸舅
爲崔偉前有送二十三舅錄事攝郴州詩或是先生如郴

因至耒陽訪聶令經方田驛阻水旬餘聶致酒肉而史云
令嘗饋牛肉白酒大醉一夕卒嘗考先生謝聶令詩有云
禮過宰肥羊愁當置清醪其詩至云興盡本韻又且宿留
驛近山亭若果以飫死豈復更能爲是長篇又復游憇山
亭以詩證之其誣自可不攻況元微之誌與舊史初無此
說撫遺謂玄宗還南內思子美詔天下求之聶侯乃積空
土於江上曰死葬於此矣然玄宗至自成都時先生在諫
省及升遐時先生又在成都寶應元年元宗升遐距大曆
五年先生之死又已十歲其敢欺世如此韓昌黎詩力辨
其非鄭印李觀從而正之所恨不曾引詩爲據秋下洞庭
故有暮秋將歸秦秦留別親友詩又有洞庭湖詩云破浪
南風正回竿畏日斜言南風畏日又云回竿則非四年所
作甚明當是是年自衡州歸襄陽經洞庭詩也元微之誌
云扁舟下荆楚竟以寓卒旅殯岳陽其後嗣業啓柩襄紉
事於偃師途次于荆拜余爲誌辭不能絕呂汲公亦云夏
還襄漢卒於岳陽曾譜云其卒當在衡岳之間秋冬之交
衡在潭之上流與岳不相鄰舟行必經潭然後至岳當云
在潭岳之間蔡譜以史爲是以呂爲非蓋未之考耳

鶴先君未第時酷嗜杜詩頗恨舊註多遺舛嘗補緝
未竟而逝又欲考所作歲月於逐篇下終不果運力
未必不賈恨泉下也鶴不肖常恐無以酬先志乃取
槧本集註以遺藁爲之正定凡經據引者不復重出
又輒益以所聞於是稍盈卷帙每詩再加考訂或因
人以核其時或蒐地以校其迹或摘句以辨其事或

即物以求其意所謂千四百餘篇者雖不敢謂盡知其詳亦庶幾十得七八矣呂汲公年譜既失之畧而蔡魯二譜亦多踈鹵遂更爲一譜以繼于後先生積著誠多而不幸不偶此不足論獨嘗謂至成都未幾裴冀公還朝繼帥者李國楨崔光遠郭英又自宜與之弗合顧與高適定交最早相知最深其爲西川節度先生何以翻然舍之而東曾不如依嚴武之爲密且又蜀人師氏以貧父行爲武作今疑爲適而作也以此知先生賦性特剛少不如意則不能曲徇苟合故不爲當時所容身後又復醜以牛酒之事曾不知果以飢溺尚能爲令賦詩且事遊楚平未陽之墳豈非宗文早世先生所謂瘞天者而後世附會遂爲人惑因書于首以俟博識嘉定丙子二月望日臨川黃

鶴書

黃氏補註辨疑杜工部年譜終

